

山右石刻叢編

山右石刻叢編卷六

遼東伯夷叔齊伯夷叔齊二公碑

唐

伯夷叔齊碑

碑分二石均高三尺六寸第一石廣一尺九寸二分十四行第二石廣一尺八寸十三行行均二十七字分書今在

永濟縣
首陽山

古義士伯夷叔齊二公碑

并序

安定梁昇卿纂文及書

二公諱伯夷叔齊昔有殷時遼東孤竹君之子也自歷載所記有國以來事之美者莫先於讓是故君老於位命立叔齊齊固辭以請伯伯固請以不嗣遂相與義退遁逃西周當是時也帝殷不減用錯天紀人棄莫保以戴于周周武王秉白

聖杖黃鉞經綸所以撥亂威略所以龔罰雷震萬國風行六師二公子時推忠臣之誠明死君之節伏車而諫慷慨憑血且夫大運不以省曠達節不以義距黔首焉得以厭毒鬼神焉得以無主於是討罪于商為天下正式公以立志貞也檢身操也建侯戡難不可以闕也以臣伐君不可以訓也相於國莫非其土異於事不食其粟乃西上首陽之山歌采薇而死蓋天下義威之始也及孔子生東周之季演中興瀟游夏之徒皆誨納於教未嘗敘仁人烈士不先于二公者焉謂不辱其身不降其志矣若乃紛綸茂德載在藁府則太伯之道子臧之仁也上思附義退曰能賢則宋蘇之言延陵之行也道無不貴志不苟合則許由之尚伯成之高也慮必中清癯能中權則虞仲之居夷佚之放也聲垂事載功存業廣則范

蚤之去魯連之錚也此數公者至於黜榮保讓亦為盛矣燕
之固君臣之分以愛其節則曷可以同議也所謂繼之者忠
矣杖之者義矣施之者誠矣用之者確矣昭矣至矣豈矣允
矣上古無以加百代為之憲越大梁歲行於是邦遇縣宰太
原王公惠工訓農勸學敬教羣業頌以繫賴四方咨於作則
邑臨未周人悅有化以為二公廟德不祀實甚懼焉復何以
圖不朽示來者而已遂因簡力考餘時埤始是敢敦崇舊規
厥構棘翼自公尸之然則表前載揚懿烈使駿光熊熊彰紀
事也以吾學乎舊史氏請鵬其文固不佞乃作銘曰

大道混混或險夷兮殷實荒德莫業于主人神疑兮帝用克
商大運期兮天下爭利而獨彝義貞名垂兮神農虞夏氏已
沒曷所惟兮斲石千秋聞風規兮

黃鉞不降志

開元十有三年惟一月既望刊立

衛鶴趙禮范譙刻

字

按水經注雷首山有夷齊廟太平寰宇記蒲州河東縣伯夷叔齊祠在縣北三十五里伯夷墓在縣南雷首山南今永濟縣志二賢祠在縣南五十里首陽山麓明成化初僉事胡謹請於朝列祀典祠中多古柏有圍一丈五六尺者不知其年歲唐碑有梁昇卿八分書卽此碑也通志金石記平津讀碑記碑爲邑宰太原王公所建梁昇卿撰文及書唐書梁昇卿增韋抗傳工八分書歷廣州都督以唐會要唐文粹金石萃編諸書考之昇卿開元元年直言極諫科及第

會要

爲奉天尉開元十一年爲殿中侍御史

御史臺情舍碑

歷祠部員外郎

在姚奕後三人

戶部郎中

在王昱後六人並見郎官石柱題名

開元

二十年九月自中書舍人爲莫州刺史終廣州都督

李華潤州

鶴林寺故徑山大師碑有故廣州都督梁昇卿此昇卿終於廣督之證

又按唐史稱梁昇卿

善八分東封朝覲碑聲華爲一時冠御史臺精舍碑亦昇

卿書此碑文氣奔放持議正大實李蕭遠運命論之流亞

然則昇卿固不專以工書名也舊書張九齡傳有太子右

庶子梁昇卿又碑云大梁歲行於是邦縣宰太原王公以

爲二公廟德不祀實甚懼焉遂因簡力經始敦崇舊規厥

構棘翼以吾學乎舊史氏請隲其文是則王公重修其廟

而昇卿纂文碑見金石錄補寶刻類編通志金石記

王慶墓碣

碣共八面高三尺七寸五分每面廣六寸四分四行第一面行二十二字其餘六面行三十字分書第一面上截標

題唐故處士王君之碣八字與第八面
題名二十一字俱篆書今在黎城縣

君諱慶字襄上黨黎城人也其先有周氏武王克商追祀五
祖因而命族自喬為井州道成羽化代家焉末葉以官自大
原從祖海好黃老術父則隱居放言君氣局天賦才明獨得
心口骨正有顏孔之風七歲能自致於鄉校乃心專經篤意
儒業過則不二善其莫遺操行厲節遂究詩禮若乃風雅理
亂吉凶周旋莫不窮幽洞微闡於心而辯於口也旁涉子史
兼工草隸名聲日休盈耳郡國舉進士祭高第牧守希其才
將貢 皇闕會徐王到遂不復以聞留之幕府悉子弟從
其受業君統以德方博以經藝展親明孝援義舉忠雖雖王
家貴而好禮者良有之矣王嘗問政對曰政在先王之典既
而侍講至防記甫田則凜然變容三覆而止王乃悟飭躬絜

行則吏不敢欺務農重穀則人以之富既舉而行三韓為之
大理初王頗好遊畋至是希絕乃稱曰昔齊桓有言生我者
父母成我者鮑子微先生之教遠於道甚矣及王奉 詔還
京命與同載君憮然而歎曰夫高吾名者累吾神卑吾身者
厚吾生張翰嚴陵斯可也已遂稱疾自是杜門却掃不交人
事慕巢由學輕舉屬意遐曠蕪心明門凝思幽閑存神養壽
享年八十有五 皇唐開元二祀十有二月卒於栢谷里之
第嗚呼哀哉昊天不備殲 我良懿山頽玉折何嗟及之且
德之用修學之能講無其人久矣君佩義履信省躬徇節閭
然莫異深泉若臨自一登王門匪諂伊教非憤不啟非法不
言永惟前史夫何以尚身則退而道彌高榮且辭而志逾遠
偉偉碩美人到于今稱之君子所以知損之又損之之光大

也夫人張氏郡師之元女也洪慎溫惠

矜收耿絜翩翩

黃鳥君子好仇春秋七十有九五年冬十月卒越八年上章
貞于仲率月在庚戌十有一日庚申合葬於濁漳之陽禮也
左仙亭右隴阜其山川特秀固有德者之宜乎有子四慎知
慎微崇嗣慎貞慎貞仕釋為沙門佻道專真遺形自喪崇空
而不失其孝割愛而不忘其哀案實紀美樹之墳道其辭曰
於惟王公懿德孔_同道高莪美富義寵仁學靡不精業莫不
伸寬以惠物孝以_同親廣廣德音遂登王門屈彼堂構傳此
皇孫既肅其容亦忠其言國用繁富職是之源危高安卑束
帛_同園王神大漠愴亡理存大山其頽白日亦昏死生大矣
天道_論

并府北崇福寺沙門逸文并書兼題榜

太原常思恩鐫

案碑爲唐王處士慶與妻張合葬墓表石形九稜八面刻字如幢柱非銘幽之文而從無著錄之者蓋年久沈埋土中近日始顯於世黎城知縣馬汝良訪而拓之王慶兩唐書無傳碑敘其始末最詳王氏爲世著姓古有二十二望碑敘先世第述王喬蓋以慶晚年好道故也慶初舉進士徐王留之幕府遂以終身新唐書宗室列傳徐康王元禮神堯庶子始王鄭後徙王徐永徽中加司徒兼潞州刺史慶卒於開元二年年八十有五逆計之當生於太宗貞觀四年庚寅徐王刺潞州時年才二十有餘碑稱慶七歲能自致於鄉校蓋蚤慧也碑稱王好畋遊正與傳善騎射之言合又敘王述齊桓生我者父母二語與史記管子之言

不同未知何據王終於潞州刺史奉詔還京慶遂稱疾不出而王亦旋薨慶以張翰自況豈以王子茂險薄無行將邁人倫之變故潔身以遠之歟不爲賈傅之悲而爲穆生之智存神養壽以葆天年誠高士已慶葬於黎城濁漳之陽新唐書地理志潞州上黨郡有黎城縣上太平寰宇記濁漳水在縣西北五十六里縣有八鄉柏谷當是八鄉之一碑文字皆淵茂古勁得漢人家法字波磔流利神似曹全碑在唐碑中足稱神品以出土較晚字畫極完整僅泐一字洵可寶也

慶唐觀紀聖銘

碑高四尺二寸廣二尺六寸三十行行五十字分書惟御製四字並年月一行正書今在浮山縣

大唐龍角山慶唐觀紀聖之銘

御製御書

神也者妙有物而為言化也者應無方而成象言豈立神之
主象徵宰化之知苟言象之不存焉則神化或幾乎息矣窮
神而極化者其唯至至之人乎

我遠祖_文元皇帝道

家所号太上老君者也建宗於常無有立行於不暇昧知雄
守雌為天下谿知白守辱為天下谷故能長上古而日新雕
衆形而化_道口萬物而不為戾澤萬代而不為仁魏乎不覩
其頂深乎不測其極復歸無物存教遠以立言奄有太清感
聖期以利見肇

我高祖之提劍起晉太宗之杖鉞入

秦鵬搏風雲麟闕日月夏臣醜而已去殷鼎輕而未徙老君
迺洗然華皓白驥朱髭見此龍角之山示我龍興之兆語絳
州大通堡人吉善行曰吾而唐帝之祖也告吾子孫長有天

下於是一聞赤伏而萬姓宅行一麾白鬚而六口大定傳曰
有聲之聲不過百里無聲之聲延及四海非夫神唱明德翕
叶人祇者歟善行以武德三年二月初奉神教恐無明徵口
之敢洩至四月 老君又見曰石龜出吾言實于時

太宗為秦王討宋金剛搃戎紛絳晉州長史賀若孝義
以其狀上啓遽使親信杜昂就山禮謁俯仰之際靈兒察焉
昂馳還曰信矣迺遣昂善行乘駟表上比至長安適會郇州
獻瑞石如龜有文曰天下安千万日 高祖徵其二異

授善行朝散大夫命舍人柳憲往祠焉玉帛既陳尊儀復見
其始覲也杲杲炁炁若紅峯綠嶺吐春日之光景其卻隱也
蕭蕭條條若雨息雲消視妹天口沉謬來莫知其所自去莫
辯其所往出於寂寞入於惚恍蓋不可得而詳諸汾陽之龍

角山者天帝降福之庭

高祖用師之道口上有華池

靈府下有石穴洞宮氣接姑射集神僊之別館脈通霍鎮潤
珠玉之麟家

高祖以口饗頻迴霓裾累縠故版廟於

行過之所劃壇於受命之場刻飾

聖容彩繪真衛神光

離合殿堂宛轉於空間雲氣踟躕笙磬往還於天路因改浮
山縣名神山焉志靈應也是歲仲秋及五年三月晉州奏

老君言我亳廟之中枯栢更生子孫當王又云我神兵
助軍伐劉黑闥立夏當平事過如言皆先事之誠也尔後

太宗貞觀則禱雲泊於廟宇

高宗垂拱則卿雲

涌於神座今又祠中栢樹蒲萄裹而託根門端根木枯枝蒼
而還茂疊黛豐本撲翠繁柯聚祥煙之青靄默然一色散佳
氣之葱鬱鱗鱗萬重識者以爲太和暢陳朽之徵王會納殊

隣之象懼彼虛應搖然夕惕朕演靈金根纂命璿辰萬學道
記常味至言是用假途禮樂託宿仁義尋末以窺本澄籙以
詣精為無為於此心事無事於天下而

宗稷大福寰

縣小康實上祖惠無疆之休亦下人率自然之化維幽容昭
見偉事也神告帝符瑤瑞也發祥善行吉類也慶雲重代鴻
懿也戎菓附植合異也槁榦華滋蕃熾也此六者興王之嘉
祉曠歷之絕紀者已朕不敏頗聞君子之教矣繼口後者天
其祖習其訓者父其師揄揚道德情存孝敬商頌美乎成湯
周雅尊乎后稷先王之舊典也吾豈墜其文哉夫戴角之類
龍為之長羊也定形而易龍也神化而無端龍蓋五土之
精國家乘土而王故改山號名龍角焉迺銘金石以彰靈變

詞曰

思文

聖祖^①默靈聲混兮無名超兮至清清入神舍
名捐物假身尊^②元後有天下 高祖鳳翔雲舉晉陽

太宗龍戰風趨秦甸龍角僊都王師戒途聖形入

有神言出無瑤衣玉騎告帝天符神方據我人亦來蘇迺立
清室微微謚謚衆僊停蹕迺興慶雲氤氳氤氳再瑞 明

君庭有栢兮遠菓寄秀門有根兮痲條更茂願慙菲德蒙神
之祐誦我道經介我神聽繼明五聖裡事三靈請從格言天
德出^③太道幽陸湛慈廣接意路何階言津難涉化有影響
神無華葉

一千一百七十字

開元十七年太歲己巳九月己丑朔三日辛卯建

校碑題御製御書太平寰宇記晉州神山縣老君祠在縣

東南二十里唐武德三年見神於羊角山下語曲沃人吉善行曰報大唐天子得聖理一千年其年勅遣通事舍人

柳憲立祠因改縣爲神山開元十四年於舊廟置興唐觀又神山縣唐武德二年僕射裴寂奏分襄陵縣以東之地置浮山縣隸晉州三年吉善行於羊角山見神人改爲神山縣羊角山在縣西南三十一里舊唐書地理志晉州領縣九神山武德二年分襄陵置浮山縣四年改爲神山以縣東南羊角山神見爲名金石錄第一千三十一唐龍角山紀聖銘明皇撰并八分書開元十七年九月與此碑末題年月合碑

云我遠祖玄元皇帝道家所號太上老君云云舊唐書高

宗紀麟德三年正月壬申改麟德三年爲乾封元年二月

己未次亳州幸老君廟追號曰太上玄元皇帝

創造祠堂其廟置令

丞一員改谷陽縣爲真源縣縣內宗姓特給復一年

碑立開元故得稱玄元皇帝碑

云武德三年四月太宗爲秦王討宋金剛總戎汾絳晉州

長史賀若孝義以狀上聞校秦王討金剛事見新舊書通

鑑諸書

金石錄校高祖實錄武德三年四月辛巳晉州人吉善行於羊角山見白衣老父乘白馬朱鬣謂善

行曰爲吾語唐天子吾爲老君汝祖也今年平賊後汝當爲帝天下太平必得百年享國子孫且千歲太宗遣使者杜昂致祭須臾神復見謂昂曰歸語天子我不食何煩祭爲高祖異之立廟於其地授善行朝散大夫據碑稱是時太宗爲秦王討宋金剛所謂厥平汝當爲帝者指太宗也其事可謂怪矣然碑與實錄載語頗不同文多不能備錄惟碑稱善行以武德二年二月初奉神教至四月老子又見曰石龜出吾言實既而太宗遣昂善行乘驛表上比至長安適會郟州獻瑞石如龜文曰天下安千萬日而實錄亦云郟州獻瑞石有文曰天下千萬其語小異又碑稱行絳州而實錄云晉州爾

碑又云郟州獻瑞石舊唐書地理志鳳翔府領縣九郟隋縣義甯二年於縣界置郟城郡武德元年罷

郡置郟州三年廢此云郟州獻瑞石則是年四月州猶未

廢也又金石錄云老子其生以清靜無爲爲宗豈身沒數

千載而區區爲人稱述符命哉蓋太宗初起託以自神此

陳勝所謂卜之鬼者也史臣既載之實錄明皇又文之碑遂以後來爲真可欺罔豈不可笑也哉按明誠之說是矣然自唐而宋而金而元勒羊角之石而頌老君之異者仍復不絕何後世信怪者之多歟通志作開元十四年此碑題開元十七年九月與金石錄正同志蓋誤碑見寶刻類編金石錄跋尾寰宇訪碑錄通志金石記

慶唐觀紀聖銘碑陰

碑陰分四截首截十一行行十一字二截三十七行三截四十五行四截二十行行均十九字正書

皇太子鴻

皇兄開府儀同三司上柱國^寧王憲

皇弟太保上柱國薛王業

皇堂兄司空上柱國邠王守禮

皇子涼州都督兼河西諸軍州經略節度等大使廢王潭
皇子單于大都護朔方軍節度大使兼關內道支度營口
等大使忠王浚

皇子太原牧太原已北諸軍州節度大使河東道支度營
田等大使棣王洽

皇子幽州大都督河北道諸軍州經略節度大使兼支度
營田等大使鄂王洸

皇子京兆牧持節隴右道諸軍州經略節度大使兼支度
營田等大使口王浟

皇子廣州都督兼嶺南五府經略大使光王淝

皇子河南牧儀王澹

皇子安東都護平盧軍節度大使支度營田兩蕃等大使

頴王灃

皇子荊州大都督永王渾

皇子益州大都督劔南諸軍州節度大使兼支度營田等

大使壽王清

皇子安西大都護持節西節度大使四鎮瀚海經略支
度營田等大使延王洄

皇子持節揚州大都督盛王沐

皇子濟王溢

禮部尚書朔方軍節度等副大使信安郡王禕

左威衛大將軍員外置同正員上柱國嗣舒王津

衛尉卿員外置同正員嗣許王瓘

宗正卿員外置同正員嗣徐王璿

宗正卿員外置同正員嗣鄭王希言

宗正卿員外置同正員口彭王志曠

宗正少卿員外置同正員同安郡王洵

太僕卿員外置同正員汝陽郡王清

太僕卿員外置同正員河東郡王沂

國子祭酒員外置同正員嗣韓王訥

太子僕員外置同正員湖陽郡王宗暉

太子左贊善大夫員外置同正員樂安郡王洋

滄州刺史兼口海軍使嗣魯王道堅

以上第二截

銀青光祿大夫守兵部尚書兼中書令河西節度經略支
度營田九姓長行轉運等副大使仍知節度事判涼州事

赤水軍使上柱國蕭嵩

中大夫守中書侍郎同中書門下平章事兼御史大夫裴光庭

中散大夫守黃門侍郎同中書門下平章事上柱國宇文融

左常侍充東都副留守崔沔

左常侍上柱國畢國公賈瑰

特進行尚書左丞相兼賢院學士修國史上柱國口國公臣張說奉勅題御製

開府儀同三司行尚書右丞相上柱國廣平郡開國公宋璟

特進新羅國王金興光

特進龜茲王天山郡開國公白孝節

特進永壽郡王沙陁輔國

太子少傅上柱國安陽縣開國侯源乾曜

太子少保上柱國交國公陸象先

戶部尚書上柱國中山郡開國公王峻

刑部尚書上柱國固安縣開國子盧從愿

工部尚書上柱國武城縣開國男充東都留守崔隱甫

太子賓客上柱國正平縣開國子裴灌

太子賓客上柱國公竇希球

太常卿上柱國李暹

秘書監上柱國王珣

秘書監員外置同正員□□都尉薛鏞

檢校光祿卿上柱國裴□

山右名流傳卷二
十三
衛尉卿安定縣開國伯皇甫忠

衛尉卿員外置同正員駙馬都尉滎陽縣開國公鄭萬鈞

大理卿上柱國李朝隱

試鴻臚卿柱國田賓庭

鴻臚卿員外置同正員駙馬都尉瑯琊郡開國公王繇

太府卿弘農縣開國侯楊崇禮

國子祭酒上柱國楊瑒

開府儀同三司兼殿中監上柱國霍國公王毛仲

少府監安昌縣開國子馮紹正

京兆尹上柱國高邑縣開國男李尚隱

河南尹上柱國霍庭玉

太原尹上柱國姑臧縣開國伯北都留守李休光

銀青光祿大夫行內侍省內侍員外置同正員上柱國尹鳳祥

以上第三截

勅檢校慶唐觀使銀青光祿大夫使持節晉州諸軍事晉州刺史上柱國晉陽縣開國男臣白知慎

勅建造摸勒龍角山紀聖碑使朝議郎守尚書主客郎中集賢院學士翰林院供奉輕車都尉贊論

皇太子兼侍慶王忠王棣王鄂王榮王光王儀王穎王永王文章臣呂向奉

勅題碑陰并建碑年月日

驃騎大將軍兼左驍衛大將軍貞外置同正員口內侍上柱國雍國公楊思勗

冠軍大將軍守右監門衛大將軍知內侍上柱國渤海郡開國侯高力士

冠軍大將軍行右監門衛大將軍負外置同正員知內侍
上柱國上黨縣開國侯黎敬仁

鎮軍大將軍右驍衛大將軍上柱國柳城郡開國公葛福
順

冠軍大將軍右驍衛大將軍兼判將作大匠岳陽縣開國
子□安□□□

冠軍將軍□□□□將軍上柱國廣平縣開國公程伯
獻

冠軍將軍右金□衛大將軍開國公張暉

以上第四截東偏

晉慈等州都團練觀察處置等使朝議郎檢校左散騎常
侍兼御史大夫賜紫金魚袋李寰

監軍使朝議郎行內侍省內府局丞負外置同正員上柱

國賜緋魚袋吳再和

左神策軍監鐵冶使朝議郎行內侍省内府局丞張令綰
長慶三年三月十八日題 以上第一截西偏

按題名自太子鴻起曰皇太子鴻曰皇兄開府儀同三司
上柱國甯王憲皇弟太保上柱國薛王業皇堂兄上柱國
邠王守禮次則爲皇子慶王潭至濟王湓諸人又次則爲
禮部尙書朔方軍節度副大使信安郡王禕諸人自蕭嵩
以下乃及異姓通鑑開元十三年三月甲午皇太子嗣謙
改名鴻邠王嗣直爲慶王改名潭陝王嗣昇爲忠王更名
浚卽肅宗鄮王嗣眞爲棣王更名洽鄂王嗣初改名涓郵
王嗣元爲榮王更名湜又立子琚爲光王濂爲儀王湮爲
潁王澤爲永王清爲壽王澥爲延王沐爲盛王舊唐書本

紀開元十五年五月癸酉慶王潭爲涼州都督兼河西諸軍節度大使忠王浚爲單于大都護朔方節度大使棣王洽爲太原牧河東諸軍節度大使鄂王涓爲幽州都督河北節度大使榮王滉爲京兆牧隴右節度大使光王淝爲廣州都督五府節度大使儀王澁爲河南牧潁王湮爲安東都護平盧節度大使永王澤爲荊州大都督壽王清爲益州大都督劍南節度大使延王泐爲安西大都護磧西節度大使盛王沐爲揚州大都督官皆與碑題合按元宗諸子屢改名開元二十四年二月庚午更皇子名鴻曰瑛潭曰琮浚曰瑛洽曰珍涓曰瑤滉曰琬淝曰琚澁曰璵湮曰璠澤曰璘清曰瑁泐曰玠沐曰琦傳皆用後改名而列本名於下舊傳讓皇帝憲本名成器先天元年八月進司

空元宗討平蕭至忠等進太尉月餘加開府儀同三司太

尉停

本紀九月丁卯宋王成器爲開府儀同三司

開元初歷岐州刺史開府如

故

本紀開元二年六月丁巳成器爲岐州刺史

四年避昭成尊號改名憲紀在開元

四年正月丁亥

又歷澤潁州刺史開元九年兼太常卿十四年停

太常卿依舊爲開府儀同三司二十一年復拜太尉惠宣

太子業睿宗第五子本名隆業後單名業睿宗卽位進封

薛王開元初歷太子少保同涇幽衛虢等州刺史八年遷

太子太保二十一年進拜司徒章懷太子賢子守禮神龍

中遺詔進封邠王景雲二年帶光祿卿先天二年遷司空

開元初歷號隴襄晉滑六州刺史九年後並徵還京師二

十九年薨碑所題皆與傳合按舊書紀傳肅宗有領朔方

大使單于大都護事而無兼關內道支度營田大使事棣

王珍傳開元十五年遙領太原牧太原已北諸軍大使而無河東道支度營田大使字皆可據此碑補吳王恪傳子禕景封嗣江王開元十二年改封信安郡王十五年拜朔方節度大使尋遷禮部尚書仍充朔方節度使舒王元名傳子津嗣舒王開元中左威衛將軍卒許王素節傳子瓊神龍初封嗣許王開元十一年爲衛尉卿徐王元禮傳子淮南王茂茂子瓊嗣徐王開元中除宗正員外卿鄭王元懿傳子璪嗣鄭王官至鄂州刺史神龍初又封璪子希言爲嗣鄭王開元中右金吾大將軍彭王元則傳薨無子以霍王元軌子絢嗣子志暎神龍初封嗣彭王開元中宗正卿同正員卒宗室世系表讓皇帝房汝陽王璿初名嗣恭又名讓皇帝憲傳子珣封同安郡王韓王元嘉傳神龍初

追復元嘉爵土封其第五子訥爲嗣韓王官至員外祭酒
開元十七年卒節愍太子傳子宗暉開元初封湖陽郡王
魯王靈夔傳子藹神龍初封藹子道堅爲嗣魯王景龍四
年加銀青光祿大夫歷果隴吉冀洺滄等七州刺史國子
祭酒開元二十二年汴州刺史碑立開元十七年所題官
並與傳合蕭嵩裴光庭宇文融張說宋璟源乾曜陸象先
王峻盧從愿崔隱甫裴漼李暉李朝隱楊崇禮楊暘王毛
仲李尙隱呂向楊思勗高力士張暉歷官皆見本傳竇瑒
外戚傳孝謹子希瓘初賜爵畢國公後改名瑒初爲左散
騎常侍希城卒授開府儀同三司竇希球亦見外戚傳孝
謹子希球官至太子賓客封冀國公開元二十年卒金興
光三人係外蕃王之列名者新書東夷列傳新羅傳王姓

金龍朔元年法敏襲王開耀元年死子政明襲王死子理

洪襲死弟興光襲開元中數入朝進甯海軍大使二十五

年死龜茲傳開元七年王白莫苾死子多市立改名孝節

碑題特進天山郡公可補新傳之闕沙陀傳龍朔初處月酋沙陀金山授

離軍討擊使長安二年進爲金滿州都督累封張掖郡公

金山死子輔國嗣開元二年復領金滿州都督累爵永壽

郡王碑所題金興光三蕃王名皆與史合唐會要公主元

宗三十女唐昌降薛鏞見新舊太子瑛傳永穆降王繇新書諸公

主傳睿宗十一女代國公主下嫁鄭萬鈞故皆書駙馬都

尉霍庭玉元和姓纂唐河南尹霍廷玉蜀郡新繁人又見

御史臺精舍題名又題名有太原尹上柱國姑臧縣開國

伯北都留守李休光可補史闕蘇頲命姚崇等北伐制兵

部郎中李休光等或特達珪璋所謂登壇之貴或翩翩書

記曾聞及雷之詞可以光贊出軍宏宣入幕並可行軍判

官崇北伐在開元初此碑休光尹太原則位方面矣葛福

順見王毛仲傳左領軍衛大將軍耿國公葛福順貶壁州

員外別駕通鑑在開元十九年正月此作右驍衛大將軍柳城郡開國

公則在未進領軍國公前按此碑所列題名頗足爲考唐

開元職官之助金石萃編錄孝經序題名可以考天寶初

達官又碑上方有晉慈等州都團練觀察處置等使李寰

等三人姓名舊唐書本紀長慶二年九月壬子加晉州刺

史李寰爲晉慈等州都團練觀察使通鑑長慶三年五月

丙子以晉慈二州爲保養軍以觀察使李寰爲節度使碑

立在五月前故猶題觀察攷唐人於御製御書碑從不題

名以示尊崇此李寰等三人題與皇太子並列武夫不學
唐末節鎮之氣傲絕不知尊君之禮亦可慨歎碑見寶刻
類編

抱腹寺碑

碑高六尺二寸三分廣三尺二十四
行行五十字分書今在介休縣縣山

有唐汾州抱腹寺碑

朝議郎行汾州孝義□□上柱國高都郡開國公弘農楊
仲昌募撰

夫性為覺因濫乃真幻性□□體包三世而壹心濩者妄源
初假肱而論茂由是本師敷化象教弘理六趣□輪迴之酷
□□□□□之資意限精鹿學穎頡漸□□善導故曰能仁
至於圖證超果即凡成聖非離名相泰然解脫闡提誰子與

般若之□□□□名將涅槃而何隔則道之為□□瀟居
多爰及小憐猶懷大懼不可以智識窺者其惟我上蔡矣川
莫彼汾地雄全晉軾十六□□里萊介推之林麓瀟惠菩薩
□□山以扶持空王如來闢靈境而足鑿雲霞半卷樓閣□勢幡
幢豈人間之□童梵皆天□□曰不可以人力侔者其惟我
抱腹□□是寺者後魏太和中高僧迪□之經始也迪公昔
因乞食嘗至介山喟然□歎曰地賢□□居宜修塔廟遂
杖錫而往咨冥搜俄有壹白鹿雪容冰膚前驅導引匍匐巖
半可十餘里忽詣壹處坦如砥平非人境所到恍惚之際又
遇壹神僧迪公乃合掌虔□無言而滅并嚮之白鹿旋已逝
矣亟經累宿如瀟唄誦輒有名香拂座異鐘警人迪公乃翦
榛薙蕪具立標識捨之而去所部尋□實狀聞魏明覽而休

○特詔置寺則抱腹之號由茲而作運更○隋額有興替○
遐邇殷湊實無小衰意○神明之緼乎
○皇初滿

超三公者○秀禪門宴坐茲山多歷○所其於
先

帝識真之○悲現聖之通生多博濟之緣滅有異○

○我事實希○人謠今並略而不書以從正典○
國

家乱○緝世熙率○章暮
景化改抱腹寺為大○

○也○則霍壺嶺○長於其前北則潯○昭祁涵光乎

其後下則○梯鐵鎖升降無私止則紅泉碧砂洗滌餘袞合

妙羣境增華○心繫○岸之津梁寔北蕃之樞轄耳其○比

犯律瀧子愆訓或暴客潛止或覩莊來遊山精巔眉以晨

沸野魅睢盱而宵哭○
○謫○無苟容豈聰明之不欺將

正直之非沫甚可畏也吁何言哉淨域春濃禪林日早逢迎

道心篆碑勒頌琢玉口金口碩大兮

朝請郎守晉州霍邑縣令范陽張晉口伯曜書

檢校造碑僧思本

開元廿年歲次壬申十口口口口五日乙卯建

按碑題朝議郎行汾州孝義闕上柱國高都郡開國公楊

仲昌蔓撰新唐書楊元珍傳子仲昌字蔓以通經爲修文

生累擢不甚顯以河陽尉對策元宗擢第一授蒲州法曹

參軍遷監察御史坐累爲孝義令鸞降庭樹太守蕭恕表

其政徙下邳令終吏部郎中唐文粹席豫唐故朝請大夫

吏部郎中上柱國高都公楊府君碑公諱仲昌字蔓今刻本作

仲官字蔓金石錄第一千一百六十六唐吏部楊仲昌碑

席豫撰郭緜篆書開元二十八年按仲昌元珍子文粹刻

本蓋訛今據

金石錄正之烈考皇朝刑部尚書魏國忠公元珍公卽尚

書府君之第三子事魏公莒國夫人以孝聞未弱冠以通經爲修文生授右千牛秩滿補太廟丞以親累出爲蘄州司戶參軍屬先尙書辭滿告歸公罷官就養橫爲酷吏王勗所誣陷貶臺登尉劍南節度使益府長史韋抗奏公爲管記尋有詔停官歸侍俄丁尙書府君憂

舊書開元六年元殤卒

闕從常調授河陽尉應藻思清華舉今上親試對策甲科

除蒲州司法參軍

唐會要先天二年藻思清華科趙冬曦及弟仲昌應是舉亦博洽士也

莒國太夫人憂糊名考判居上等擢拜監察御史坐剛直

出爲汾州孝義令前宰無良下民失業公曉喻歸本流亡

盡復旣庶而富厥土有年刺史蕭恕以聞聖書褒美除下

邽令辭疾罷職無何除鞏令尋遷禮部員外郎

通鑑開元二十四年

五月有禮部員外郎楊仲昌

歷左司員外郎

郎官石柱題名在趙安貞後一人

轉吏部

員外郎

石柱題名在苗晉卿後三人

遷本司郎中

題名在趙安貞後二人

終於萬

年永甯里

舊書元球傳于仲昌官吏部郎中

校諸書仲昌無令孝義年月

此碑並魏文侯廟碑皆題開元二十年此仲昌以開元二

十年前令孝義之證碑云抱腹寺後魏太和中僧迪公建

皇初改抱腹爲大雲寺有北則昭祁云云卽指昭餘祁澤

太平寰宇記汾州介休縣昭餘祁呂氏春秋謂之大陸周禮并州藪俗名鄠城泊自太原祁縣連延西接至此碑

爲法師智明等乞樹碑而作

通志金石記仲昌襲公爵又以監察御史出宰故云行縣

若兼官按唐制階官高職事官卑則爲行階官卑校席豫職事高者則爲守仲昌階高於職故爲行非兼也

碑題仲昌上柱國高都公勳封皆與此碑合碑末題朝請

郎守晉州霍邑縣令范陽張晉

闕

伯曠書介休縣志抱腹

巖外崖奇險狻而進觀者股慄沙堡曹子勤祇甫弱不勝

衣家世重金石鎚而下裏三日糧竟出拓本以示人汲古

之勤如此通志金石記額題大唐抱腹寺碑篆法圓整分
隸結體亦有漢碑遺意均當爲張伯曜所書惜名泐其一
字與今拓本同

智元墓銘

石高一尺三寸廣一尺七寸八分十
七行行十九字行書今在太谷縣

大唐故騎都尉智君之銘

并序

君諱元字慶其先隴西苗胄智百王之後曾相隴齊南陽郡
守祖德板授汾州司馬父燕隱儒勗志庶讓兼施守節圖園
辭榮不仕君神姿竦遠稟天淑靈帝族分輝葳光匿耀浮沈
闕巷博義寬仁仁柄精修時當用武雄心猛烈名募從征克
敵無遺蒙授騎都尉豈謂烏災唐日俄飛北斗之魂人夢已
年無復南山之壽遂穆雍家室遜悌鄉閭未竟規模忽離私

疾春秋七十有五開元十七年三月十四日殁于私第遂使
愁雲泣鳥谿澗吟援道俗歎其遺蹤內外嗟其舊跡以開元
二十年十一月二十一日葬于夕陽村東北四里自營禮也
東連覆元西眺龍門南瞻象河北臨徐水哀子懷文號天罔
極叩地無追痛切南陔悲纏陟岵即以龍輜去去男申躡躡
之悲素旆飛飛女發號咷之泣其詞曰
其一
青烏讖兆白鶴臨墳梁山歌雪遂路無春

按碑言君諱元其先隴西苗裔曾祖隴齊南陽郡守祖德
板授汾州司馬父燕不仕按板授之制魏齊隋唐以寵有
齒者不實蒞官此碑之汾州司馬是也碑云君神姿竦遠
稟天淑靈又云召募從軍克敵無遺蒙授騎都尉新唐書
百官志司勳郎中員外郎掌官吏勳級五轉爲騎都尉視

從五品凡勳官九百人無職任者番上於兵部上柱國以

下番上四年驍騎尉以下番上五年簡於兵部授散官

志云

凡以功授者覆實然後奏擬戰功則討殺獲之數智君止騎都尉則未授散官者

碑云開元二十年十一月二十一日葬於夕陽村東北四里

太谷縣志夕陽村在縣東十里今名朝陽村即唐時夕陽村其曰南瞻象河北臨徐水

者太平寰宇記并州太谷縣蔣谷水今名象谷水源出縣

東南象谷經縣北四里北入清源鄉界即碑之象河今日

象谷河魏書地形志太原郡陽邑有徐水枝即涂水水經

注涂水出陽邑東北大燧山涂谷西南逕蘿磨亭南與蔣

谷水合水出縣東南蔣溪自溪西北流西逕箕城北又西合涂水亂流入洞渦澤枝涂

水出陽邑之北蔣谷水出陽邑之南故曰南瞻北臨也碑

見通志金石記

裴光庭碑勅

碑高二尺七寸五分廣二尺八寸八分入行行八字行書今在闕喜縣

贈太師光庭嘗爲重任口徇忠節忽隨化往空存遺事其子屢陳口到請朕作碑機務之繁是則未暇朝廷口伯故以口卿彼之行能卿之述作宛其鴻裁因慈不朽耳

按闕喜縣志補金石明皇命張九齡撰裴光庭神道碑勅明皇書趙子頡以爲豪爽可喜此勅與孝經後結字正同故自得意筆前代帝王游心翰墨者莫若唐之多黃魯直云蓋太宗以來家法如此春明退朝錄云皇祐中王沂公弟子融侍郎守河中還以此上之仁宗遂御篆賜沂公額曰旌賢惟宋次道誤記所上爲裴耀卿碑趙明誠駁之是矣而趙亦誤以此爲卽光庭神道碑殊不知此乃與張九

齡使撰碑之勅舊志稱光庭碑半在裴柏祠蓋未嘗詳檢
文義遂妄指爲神道之斷碑耳按通鑑開元二十一年三
月乙巳侍中裴光庭薨太常博士孫琬議光庭用循資格
失勸獎之道請諡曰克其子稹訟之上賜諡忠獻光庭之
卒明皇排禮官議爲之改諡又命九齡爲之製碑恩禮可
謂厚矣碑見平津館讀碑記通志金石記

彭珍墓志

石高廣皆一尺入寸二十二行
行二十二字正書今在屯留縣

唐河東上黨郡大都督府屯留縣故彭君墓誌之銘

並序

君諱玠字洪玠其先宗彭祖洛川彭城彭仙公之後曾祖

敬

齊伏波將軍上黨太守因官子孫於此家焉 父亮上

柱國

志重琴書博通詩禮寬而得衆敏而有功接士則握髮吐食

迎賓則恭而倒屣立義則友親三益存信則朋洽二難敦張
范之淡交喜披雲之邢呂不謂災纏二豎乏方朔之神經夢
莫兩楹少秦醫之良驗俄然魂歸蕘裏魄散岱宗范炎遠空
形神寂滅嗚呼哽塞涕恨奚言春秋六十開元七年二月殞
於私弟夫人郭氏柔儀泚貞媿南國之無雙貞順閨庭比西
施之少返訓母儀之令則撫孤幼之慈仁四德不虧六行兼
備其君居家至孝存公名而不仕鑿井而飲耕田而食晝夜
匍匐易色而養二親竭力勲勞夙興而恭君父孔懷數十怡
怡之敬鷹行猶子五三推梨之讓尤重共被傳衫之美千古
流芳弟瘦兄肥之恩百齡不朽俄然痾纏積朔痛疾弥留風
燭不停奄從化往春秋卅有八開元十一年五月殞於私弟
嗣子禮順仁深至孝思慈父之悲酸泣開元廿一年十一月

甲子朔廿一日甲申葬屯縣西北十里高原禮也前臨絳水
逝矣驚波後背余吾煙霞悽愴左眄右顧勝境尊焉其詞曰
遠祖老彭不滅不生近年壽考日月齊明何代無賢何君無

暉石火須臾輪迴無定人皆去留有一盛其三年之重七

日銜悲慎終追遠以時思之父母之年不可不知生在唐年

歿在唐時幽泉永固千秋不移其二也

按屯留縣志志石於同治年出縣西十里董家莊彭君後
其父四年歿葬同塋故文中志其父亮至詳祖叡齊上黨
太守通志金石記彭君諱珍字洪珍曾祖叡齊伏波將軍
上黨太守因官子孫於此家焉父亮上柱國皆於史無徵
攷隋志齊伏波將軍從弟五品書最粗略其甲申葬屯縣
西北十里高原句屯下遺留字今按志題河東上黨郡大都

督府屯留彭君墓志舊唐書地理志潞州貞觀十年改都督府開元十七年升大都督府

太平寰宇記同

天寶元年改爲上

黨郡乾元元年依舊爲潞州大都督府志立於開元廿一

年自宜稱潞州大都督府今稱上黨郡疑立開寶後乾元

前又唐潞州隸河東道志文亦唐開元前文體其頌夫人

郭氏曰貞順閨庭比西施云者亦唐時隸事之習宋後必

不爾縣志唐處士彭珍墓在縣西十里董家莊志曰前臨

絳水後背余吾今絳水出縣西南盤秀山陰西北流過董

家莊南

縣志

余吾鎮在縣西北十八里董家莊之東北與

碑文前臨後背者合今搨本缺文据縣志補碑見通志金

石記

裴光庭碑

碑下截已闕據拓本量之高煥三尺二寸廣三尺
七寸三十行行贖二十六字行書今在聞喜縣

大唐故光祿大夫□侍中兼吏部尚書□□□學士贈太師

□□忠獻公

御書

金紫光祿大夫侍中弘□館學士上柱國稷山縣開國男

臣□□□奉

夫道習遵常習故益人拘於凡也得精忘覺是天縱於聖也方

聖上之拔大師也豈籍譽於朝廷哉徑取士於無跡懸收功

於未朕而終致大用克成休勛使祖虛名者見西子而惜貌

工橫議者聞魯連而杜口乃知古謂則哲維帝其難今之得

人遇聖爲易能允明主之鑒不負真賢之實者其在正平忠

憲公平公諱光庭字連城河東聞喜人也伯翳之後與秦同

姓始封于裴因邑命氏在

魏晉之際為人物之傑與 瑯琊王

氏相 獻時人謂之八 裴八

王自茲厥後奕代更盛大王父定高

周大將軍馮翊太守瑯琊公大父仁基隋光祿大夫追贈持

節原州

都督天而既歿隨德矣見危致命不亦難乎諡之曰忠

春秋之義也

皇父行儉禮部尚書兼定襄道行軍大總管閩

喜縣公贈太尉時或有姦王命矣禁暴安人不謂重乎諡之

曰憲尊名典也

公即太尉公次子降神元和含光不曜越在

初服已有

老成雖遠大

是圖而近識莫悟學探帝載何事小

名業綜人倫豈於一善弱歲居太尉獻公喪幼以孝聞尋補

宏文館學生神龍中明經擢

第授家

令寺丞轉太常丞加朝

散大夫景龍中以

親累外

轉

尋入為

陝王友改右衛郎將丁

晉國太夫人憂柴毀骨立殆至滅性服免起為丹州別駕未

之就也復除右衛少將無何遷率府中郎嗟乎有其道而無

其用不可行也得其時而不得其志亦不可行也公負經綸

之器韜王霸之畧自委泊外台棲遲下位出外從事十數年

閱世然而自若者何哉蓋知才有所必伸命有所必與非苟

而已開元中聖上思光祿之休烈嘉太尉之元勳是必象賢

其將大受特拜司門郎中轉兵部侍郎之文始應列宿鴻漸

之羽可用為儀遷鴻臚少卿以觀其能也是歲天子有事于

岱宗諸侯會朝于行在執遵豆者不限於中外獻珠寶者亦

勤於駿奔莫不來享無有遠近而執政以公代曉邊事職在

行人且曰夷狄恃豺狼黠豎阻德我今有事戎或生心我張

吾師有備無患若何公曰不可夫封禪者所以告成功也觀

兵者所以威逆命也云亭苗胤非一時之事也受服執燔非

三代之禮也也天方佑我光啓舊服也彼獯鬻能違天乎無庸

勳人也可以謀

告從之秋九月突厥

果使其相執

失誤

利發與

其介阿史德

噉泥執來朝公之謀也東封還遷兵部侍郎祗

父之職夏卿之亞存而舉者悉以咨之公於是考遺訓補闕

典蒐苗獮狩

之禮詳施稅簡稽之賦頒九畿之政攻九伐之

刑以練國容以精

軍實邊鄙不登帝用嘉之既而拜中書侍

郎同中書門下平章事兼御史大夫王出其言需乎人有歸

也也天意惟明肅乎人

知禁也尋加銀

青

光祿大夫

換

黃門侍

郎俄遷侍中兼吏部尚書

宏文館學士總百揆之樞轄酌九

流之淵奧叶文執之殷受天人之和木火象鼎其惟實鍊山

川出雲用作霖雨時哉之會無

得稱焉

先是大化之行也

務

以也默遵夫易簡舊章存而不

議吏道雜以多端公於是求

革故之實契隨時之義作秩序以平之設循資以定之謹權
衡以選之考殿最以參之姦回無所措其邪嗜嗜不能介其

量多

土

動色羣方改瞻仰之者遊

乎

如山

親之者聞不容髮

或曰執事無乃惠然公曰大命敢不敢與若然方特致六符
於秦階駟百姓於仁壽豈直睥睨先正紛綸近古泯而隨流

守而勿失云爾哉廿年冬上幸河東祠后土命公

兼左軍師

禮畢賜爵正平男加光祿大夫云抑人有言曰樹善莫如滋

積仁莫如重則威倍之慶有後於晉藥武之德未絕於人宜

公侯之子孫必復其始也公

嘗讀易

至益之屯與升之漸唱

然嘆日物惡有滿而不溢高而不危者哉既而居不崇侈動
無踰法雖百乘之家萬夫之長冲如也謂日用不知存諸方

冊何

天年未永瘳此台臣廿有一年春三月癸卯遭

疾薨於

京師

平康里之私第春秋五十八朝廷哀傷冕旒震悼制戶

部尚書杜遇即殯弔祭贈物五百段粟五百石喪事優厚官

供輓朝三日丁未有詔追贈太師諡曰忠獻使左庶子攝鴻

臚卿李道口監候喪事以口月口日葬我忠獻公於闕喜之

舊筮禮也初知星者言上相有變良臣將歿謂請禳之公曰

使禳可禳而去則福可祝而來論者多之以為知命夫天下

之達道有五所以行之者三日忠孝仁安君忠也祭親孝也

周物仁也此三者有一於身鮮矣而公實兼之且嫻於人者

必好其戚福賢于事者必美其謗政公知其然則以直道匪

躬之故忠莫厚焉禮為人子春秋以致享義於人臣夙夜以

從命公知其然則以時告如在之敬孝莫重焉夫以衡石之

任陶鈞之力莫不責於下吏求備於一人以故舞文雷同疑

獄歲搏縶而不改浸以成風公知其故則以信察御物之惠

仁莫加焉其行已奉公皆此類也嘗所著述率于篇規以爲

博叙九族本枝百世王者之盛德也而義不可以無訓作播

山往紀維城前軌以諷之微而章志而晦聖人之舉也道不

可以虛行作續春秋自戰國迄于周隋以統之臣子義也天

人之際備矣非潛聞通理其孰能與於此乎宜其存無幸人

沒有遺愛嗣子稹京兆府司錄恭軍孝實克家動必中禮不

承厚命新天塋而增華敢跡前修琢豐碑而不朽銘曰

益作舜虞賊分晉土慶流入族德成三祖瑯琊象賢懷文佩

武光祿忠烈殺身報主尚書出將恢我王略文教內敷武功

外鍊縑衣之弊惟公繼作用晦而明處豐思約鴻臚好謀夏

鮮稱職代天施化佐皇立極納于憲府好是正直乃宅冢司

諱
猷允塞

上在事

盡瘁事國夙夜在公居無闕正歿有餘忠天子命

我頌德銘功日月有既令聞無窮

奉

勅檢校撰

勅使

朝議大夫

□

議大夫上柱國

□庭

誨

判官

奉

勅檢校

授樹碑使

銀

青光祿大夫

使持節

絳州諸軍事

絳州刺史

□

核碑題御書又題金紫光祿大夫侍中宏文館學士上柱

國稷山縣開國男臣名氏全闕校元宗文斐耀卿張九齡

左右丞相制金紫光祿大夫侍中宏文館學士上柱國稷

山縣開國男斐耀卿才實國棟望爲人範懷匪躬之節竭

奉上之心云云與此官階勳封並合知卽耀卿也寶刻類

編元宗書裴光庭碑張九齡撰李林甫題額碑言光庭父

定高周大將軍馮翊太守琅琊公舊裴行儉傳祖定高馮翊郡守襲封琅琊公碑云大父仁基隋光祿大夫贈持節原州都督謚忠舊行儉傳父仁基隋左光祿大夫陷於王世充後謀歸國事洩遇害武德中贈原州都督謚曰忠與碑合碑云皇父行儉禮部尚書兼定襄道行軍大總管聞喜縣公謚憲按行儉歷官詳新舊書紀傳通鑑及張說所撰行儉碑官封謚皆與此碑合光庭新舊書並有傳碑所云歷官家令寺丞太常丞陝王友右衛郎將丁晉國太夫人憂服免起丹州別駕未之就復除右衛郎將無何遷率府中郎開元中特拜司門郎中轉兵部遷鴻臚少卿遷兵部侍郎拜中書侍郎同中書門下平章事兼御史大夫尋加銀青光祿大夫換黃門侍郎俄遷侍中兼吏部尚書宏

文館學士二十年冬祠后土封正平縣男加光祿大夫新
傳光庭字連城早孤母庫狄氏有婦德武后召入宮爲御
正甚見親寵光庭由是累遷太常丞以武三思嬖坐貶郢
州司馬開元中擢兵部郎中鴻臚少卿東封還遷兵部侍
郎久之拜中書侍郎同中書門下平章事兼御史大夫遷
黃門侍郎舊傳光庭累遷太常丞以武三思之壻緣坐左
遷郢州司馬開元初六遷右率府中郎將擢授司門郎中
歲餘轉兵部郎中尋轉鴻臚少卿東封還遷兵部侍郎餘
與新傳合校光庭涖官新舊傳不若碑詳舊傳開元初六
遷者謂陝王友右衛郎將丹州別駕復除右衛郎將及率
府中郎也又光庭擢第後授家令寺丞轉太常寺丞卽新
舊傳所謂累遷惟碑言坐親累不言以武三思壻則碑爲

光庭諱也。按光庭歷官自入相後，舊紀諸書備詳。月日開元十七年六月甲戌，兵部侍郎裴光庭爲中書侍郎同中書門下平章事。八月己卯，光庭兼御史大夫，依舊知政事。九月壬寅，光庭爲黃門侍郎，依舊知政事。十八年正月辛卯，光庭兼吏部尚書。二十一年三月乙巳，侍中裴光庭薨。則又較碑爲詳。惟碑云癸卯而紀云乙巳，在癸卯後，自以從碑爲正。所言光庭論封禪並突厥來朝事，詳見通鑑諸書。光庭大用，蓋由於此。舊傳光庭撰搖山往則維城前軌各一卷，上表獻之手制，褒美賜絹五百疋。上令皇太子以下於光順門與光庭相見，以重其諷誡之意。光庭又引壽安丞李融拾遺張琪著作佐郎司馬利賓等，令直宏文館，撰續春秋傳表，請以經爲御撰，而光庭等依左氏體爲之。

作傳上又手制褒賞之光庭委筆削於李融書竟不就按
卽碑所云作瑤山往紀維城前軌及續春秋事又按光庭
改謚係出特詔惟舊傳作忠獻新傳作忠憲而此碑及唐
會要亦作忠獻自應從碑集古錄跋尾唐裴光庭碑張九
齡撰元宗御書按唐書列傳云光庭素與蕭嵩不平及卒
博士孫琬希嵩意以其用循資格非獎勵之誼謚曰克平
帝聞特賜謚曰忠憲今碑及題額皆爲忠獻舊傳作忠獻
集古錄據新

傳傳云撰搖

集本
作瑤

山往則而碑云往紀光庭以開元二十

一年薨二十四年建此碑元宗自書不應誤皆當以碑爲
是太平寰宇記解州聞喜縣裴光庭墓在縣東三十里碑
後題銜有檢校摸勒使闕議大夫上柱國闕庭誨判官闕
檢校樹碑使使持節絳州諸軍事絳州刺史闕校金石萃

編作解州今搦本作絳州五代會要解州後漢置新舊唐書地理志絳州領縣有尚喜當從搦本爲正又通志金石記言此碑亡蓋未見搦本爾

欒山浮圖讚

石高二尺一寸五分廣一尺五寸一分十四行
行二十一字正書今在沁水縣端氏鎮大雲寺

浮圖讚 并序

朝議郎上騎都尉行端氏縣令張不孤撰

雁門解莊書

董嘉議一心供養

欒山浮圖者史籍不載時人所稱蓋緣情而竊號亦因山而作記彫龍綺殿既隱璘於巖阿落鴈荒階尚摧殘於嶺岫觀其達利埋伏年塲潰泯雨露霑灑共淒涼於法性狐兔爲穴

夏哀矜於見聞頃以龍見而雩靈山必祭屬縣寮宋盡往祈
誠迺整腹心應期降雨懷音食椹尚聞哥於黃鳥以得報德
庶不昧於功爰因諮議同為搆造寶相周設且類堵波之
制 靈容湛肅眇疑阿育之初方矩若仙圓穹似盡迥侵日
觀俯蔭雲門疑似雪而恒明望如冰而不液風吹寶鐸共天
籟而齊音氣滿長空與煙霞而一色大稱萬歲少限千年將
劫石而常存同桑田而不變迺為銘曰 因空秀質逼迥垂
芳遠標勝跡共蔭無疆 其一 大雄歸寂羣靈集秀有履福壙
願登仁壽 其二

丞盧先超

主簿夏侯賢

少府陳庭璋

大唐開元二十五年歲次丁丑十月辛丑朔二十九日己巳彫鏤既畢共讚嘉聲

核沁水縣志檻山在縣東九十里上有大雲寺元魏時建一名檻山寺唐景福元年賜今額玩讚內龍見而雩數語系爲禱雨報澤而立芳矩若仙數語系狀浮圖之勝今縣志自嵬山西下數里濱於沁河而端氏鎮在焉嵬山與檻山東西相望而沁流繞其中蓋靈秀所鍾矣又曰大雲寺萬柏參雲千松翳日清泉映玉飛閣凝空邑之最勝處此又足以證讚文之非虛謬撰讚者爲端氏令張不孤而縣丞盧先超主簿夏侯賢少府陳庭璋皆列名於後不孤官爲朝議郎舊唐書職官志正六品上新地理志澤州端氏中職官志中縣令正七品凡九品以上職事皆帶散位謂

之本品貞觀令職事高者爲守

謂散品卑

卑者爲行

散品高

仍各

帶散位自開府儀同三司至將仕郎爲文散官自太師至

下縣尉皆爲職事官不孤以朝議郎爲端氏令散品高職

事卑故爲行舊職官志勳六轉爲上騎都尉比正五品諸

州中縣令

正七品上

正八品下

主簿

正九品下

各一人縣志有不孤九

超賢名而少府不列按少府卽縣尉唐中縣有尉一人唐

時縣尉多稱少府如李白贈瑕邱王少府杜甫逢襄陽楊

少府詩之類皆是元史地理志至元三年省端氏入沁水

縣志作盧九超

文內以德報

德向上德字書作得當是筆誤

碑見通志金石記

吉祥寺經幢

幢八面高四尺二寸每面廣六寸二分八行漫漶過甚字數難稽正書今在介休縣兩水村

佛頂尊勝陀羅尼經

文不錄

開元廿七年六月七日上為聖神

皇帝皇后州牧

縣宰七代□□師僧□□□□有情六道衆生同出苦門
離苦解脫幢主弘弟子□□□□南元弘陞□□□□
□□□□□□□□□□□□□□□□□□大□
□□□□當讀十二部經一遍

□等敬造施者

校石刻開元廿七年六月七日上為聖神皇帝皇后云云
唐會要元宗皇帝先天二年十一月上尊號開元神武皇
帝開元二十七年二月七日加尊號開元聖文神武皇帝
舊紀同此碑止載聖神字餘文皆闕以諸書考之當作開
元聖文神武皇帝又元宗王皇后於開元十二年七月已
卯廢

新舊唐書
通鑑同

而此刻有皇后亦與史異碑見通志金石

記

淨信寺碑

碑刻三面正面存者高三尺五寸廣二尺一寸十八行陰面十六行下截殘缺行字難稽左側廣五寸題名六列正書今在太谷縣東陽邑村

子□之舊實詩以道志書以道事禮以道行樂以道和易以道道以道名分同我鄆魯之士縉紳先生而能明之也但齊物順時物良能滿聽珠玉可談即姑咸李銳為丞隴西李擢為主簿汝□□陽張璿之河南獨孤隗隴西牛庭玉長安杜郁為尉推□□月登岷山而聚王俯麗水而齊金吞鳥之才譽流東洛□□京而共潔壺冰同澄清潤即此功德圓滿者賴吾宰君□□福而成就焉人以悅來工以妙盡即此陽邑古城陽字□□陽屢父望在

北平食邑此城因以字之從邠人姓楊字□□□□關西

孔子揚振之通望在華陰故以字之從木焉城望北平人通

郭雖是人俗已非黃花一門朱輪十乘邑居之里嗣我宗桃通

通猷如故視其所以觀其所由察其所安人也遠□之有其

忠通敬煩使之有其能卒問之有其智急與之期有其信委

之以通之以危有其節醉之以酒有其則雜其處而試其危

固聞通莊周通人之譽其詞曰

自古昌國莫之 我唐自古聖帝莫之

我皇齊天之覆同日之光其如來如□

天子帝國通化八荒通□眷此伽藍時移代久鳳塔□□□

□□□一心循構通□□□□春其城古人通

碑陰

□□□聖文神武□□□□□□□□大也大無□□物包

之以大道而□九重端拱理□垂衣八□經云一念成就即
生□樂國即此固是也於是□若不多生劫中廣脩淨業□
應此國同會太平□真抱朴再見還童而剖升折衡焚符破
璽即□□□向寺寺有尼僧焉誠草貞心候池淨質不在乎
有有卓然超異塵劫其城也板築惟晉其寺也創跡在齊□
有唐開元二十有八年秋七月十有三日邑有居士騎楊義
信無□□著在家出家識時四空智緣七覺將視□門用隻
八單七即俯道□久隣寺側積念摧□□率土之內莫
非王土率土之賔莫匪王臣□□□□□□我帝恩

惟我佛力乃命工規模方寸□□□寶莊嚴家如□出四
維上下自若飛來真謂□□□邑有宰焉朝散大夫武威安

公庭堅我涼州都口管裾代代詞美人人即源流共清可溯
東海自口魏朝廷詠今日對榆次之風追荀邈之前

四

左側

口口上凡尼法藏都維那尼貞藏尼法素尼惠素尼慈惠尼

淨藏尼真津尼真滿以上列尼明照第三列鄉學博士楊致貞長子輔

朝次子守柱次子友朋口口子友進虞候果毅楊六仁男守

節守瓊鄉望楊懿妻程男智都鄉望楊大貴男万歲万福雲

騎尉楊守珪楊懷榮男守直邑子甘草邑子相口楊元愛楊

口口男庭秀元從孫楊志仁男千年楊仁兢男崇珍元從孫

楊守珣楊道仁楊義和楊懷福楊守忠以上列楊口口隊正楊思

猛口口口楊仁志男文口楊口

以上列

按碑文見太谷縣志其云姑臧李銳爲丞隴西李擢爲主

簿枝唐書宰相世系表李氏姑臧大房出自興聖皇帝第八子翻翻孫三人曰丞姑臧房始祖又隴西李氏定著四房一日武陽二日姑臧三日焮煌四日丹陽今按隴西李氏表內無銳擢而宗室世系表譙王房士衡初名銳大鄭王房從晦子擢字大用趙郡李氏東祖房有睦州司馬環子銳未知卽其人否又云關陽張璠之河南獨孤炅隴西牛庭玉長安杜郁爲尉一此諸人皆任太谷之證碑云陽邑古城陽處父望在北平食邑此城按晉書載記陽裕右北平無終人子孫仕貴顯故陽氏以北平爲望族碑以屬處父則春秋之卿標晉魏之望其誤自不待言其云關西孔子望在華陰則又牽陽楊爲一以碑多題楊氏名也碑云邑有宰焉朝散大夫武威安公庭堅我涼州都關云云

宰相世系表武威李氏本安氏安息國後漢末遣子世高入朝因居洛陽後魏有難陀孫婆羅周隋間居涼州武威爲薩寶生興貴修仁至抱玉賜姓李李抱真德政碑義陽郡王抱真開府儀同三司涼州都督申國公脩仁之元孫全唐文張說安公碑祖興貴涼州刺史以碑涼州都督及舊裾代代考之則庭堅脩仁後也碑末題銜有鄉學博士楊致貞集古錄安公美政頌房嶙妻高氏書安公者名庭堅與此碑合金石錄安公美政頌開元二十九年三月太谷縣志唐太谷縣令安庭堅美政頌周瑄撰文安公頌作於開元二十九年則此碑亦必開元年立

彌勒像頌

碑連額高六尺六寸五分廣二尺五寸二分二十三行行五十八字後題小字七行行七十六字均行書額題四字

家書今在交城縣西
北二十里永南寺

大唐太原府交城縣石壁寺鐵彌勒像頌

井序

前濮州鄆城縣尉林諤撰

太原府叅軍房麟妻渤海高氏書

朝議郎太原府司錄叅軍事常山蕪侗題額

維佛日覺是法曰空鎔範所謂敬田薰崇可兼意境自西林

宴滅東夏聞教納羣動故廣闢度門詣真宰即密傳智印功

應沙劫化懸金界支提所以列寰宇建骨所以遍山林石壁

寺者晉之西山舊號石壁谷隨隸西壽陽縣 唐改壽

陽爲文水 先朝分置交城而立寺焉 太宗昔

幸北京文德皇后不豫輦過蘭若禮謁禪師綽公便解衆寶

名珠供養啓願玉衣旋復金勝遂開因 詔天下名山

形勝皆表剌焉所以報護力廣真諦也特起紺臺之制頗餘

紫禁之恩禪師尋終

官

寺初創分身建塔遺跡巋然

多寶不開吾徒安仰年菑四紀紹復六僧修伽藍者灌潤脫

造山閣者毅本因竟未雄成且為能事粵邑宰燉煌張公令

孫

清信

香緣台鉉英胄隱若敵國知無不為行春之餘瞻星

開製琢拓巖窾所以面雙峯築基林間所以立前殿飛廊右

轉高門南豁化檻朶爛於虹澗湫渠杏藹於龍鱗附麗張皇

公之教也復次寺大眾縣諸吏鄉三老等端念斷結迴向增

修屬廊殿功閑請鼓鑄象設信施山積稽懇雲奔弦翔再移

公羣久抑爰咨上座普公曰和上萬億之中已經付囑一方

之內僉謂導師此處山泉人間卓絕常歎庭宇淺狹形像卑

古既衆心同欲敢仰屈專知先捨俸錢次添淨觀想望

耆闍

之往思摹兜率之留寶臺繫念於儀形華林正觀於神衛俾

開

元廿六年

年十月十五日鑄鐵彌勒像一座良冶攻橐神物

助同迴祿焚雲而噴鍊飛廉

噫

風而沸液敲涌鈞外迺澈金

光非普公之摠衆罄心調御之慈悲冥應則何以髣髴相好

成是福潤十二月八日設大齋而出之都人嚴護以禮供掌

事蔡揪而改座鏹劑設色睟湛起容頃者都師思九先患兩

足綿歷數年醫巫竭精蹇蹇生念忍苦強步有加無瘵當監

理之夜忽覺輕舉及成像之日曳馬如初此則指魔易容如

鳥出殼之攝也此寺幽深遠邃林壑猛獸不育濡草羅生列

郡早兀析之則霖雨闔境歲儉念之則豐饒或觸如敬警俗

整僧此則軒臺不敢西射廬山長存東首也然結搆大厦兼

寫聖容工不召而來役不言而應始謂陶唐之俗家盡歸依

追悟巧妙之徒人皆筋力殿像云畢居處自空此則梵帝輪
靈匠育王獻神兵也夫金者物之堅剛像者代之崇奉見不
壞想故因感以存質在有為跡故滯應以住法是梵場也其
炳煥乎上座普敬寺主惠璣都師思九法師元德大德茂忠

守迪常念寶定洎龍象法僧貞實真華戒珠圓明智劍猛利
當對初地甄擇勝於閑安果證中天已授記於文佛鄉望王

思貞縣

吏

郝仙壽等五色鸚鵡驚千里騏驎瓊樹塵映玉匣氣

浮古署或列於桐鄉度承遂陪於柰苑奉鍾離之舊政以喜
得人心結曇彌之後緣仍為佛事於戲否往泰來聖作惠出

微妙用之發揮匠意表刻紀靈則

我皇之會昌景福

天主之示現功利不其茂絕穹谷摩滅蒼岑者哉謬侏僚不
偶誠敬□□興徒發於簡栖白林為頌詞欲徵於靈運石壁

言詩貝葉尚記買園線花亦題施樹佛則無愧謹偈銘云

甘尊傳 兜率天 弥勒宴坐對諸仙 晉山記 石壁

寺 佛影下來留此地 新殿開 望昭迴 白毫放兮

照雲隈 危樓敞 臨慧象 翠微濃分洗烟上 張公

作 神鬼諾 五十六億龍華樂 靈匠罷 真僧措

八万四千師子駭 鎮帝鄉 歸梵場 法輪轉兮衆福

證 銖衣拂兮聖劫長

開元廿九年歲在辛巳六月庚辰朔廿四日癸卯建

夫法無隆替(弘)之在人若得其人何慮其道不(弘)而且大

哉爰茲寺者 唐初大禪師綽公晦迹之地 太宗皇帝

創興淨刹迹後名僧繼緝賢令贊成危閣巨殿□□幽巖

迄開元後□□□□□□□□九等鑄鐵弥勒像一駮林誇撰

記房嶙妻高氏書丹蘇琬題額以字劃簡古筆力道健世
謂之高氏碑焉至宋元祐五年夏遂值火災堂殿焚毀十
之七八惟 御書□□焉碑亦隨□□□□□□建瓌
再建堂宇復刊碑石至 本朝定二十六年春 又值火災

御書閣法堂房廊寮舍悉為灰燼碑亦被焚僅存僧堂
齋厨而已有 大法師元釗文陽橫溝里人也姓武□□
□□□□□□□□□□之後徧歷講筵始及立歲遂專開演
先於定八年杖錫河南復扣名師傳大乘戒至鄭州圃田
衆請住持福祥院十五餘年於定二十一年還鄉衆復請
住持本寺迺重建法堂□□□□□□□□□□當治基破
木之時其病即愈以與九公鑄像感應無異人皆謂 師
再來人也數年之間巨堂巍然壯冠泉石丹雘□□光耀

眩目庫堂□□僧室三門相次修完煥然一新可謂得□
□□□□□□□□哉 師兩處住持度門弟子一十八人
一日謂門人曰即今修蓋稍完弥勒像碑惜乎焚毀舊得
墨本藏之有年擬再刊石汝等有□□□□淨悟淨行淨
演等曰敬奉 尊教 師於是□□□□□一時好事者
聞之喜躍助緣成斯美事僕寓迹東隣杖錫謁 師清話
終日因悟演二監寺具言遂書碑右泰和四年四月旦□
□□□□□□□□謹跋 知事僧淨悟 淨行 淨演

淨理 淨善 淨言

校碑集古錄金石錄石墨鐫華金石文字記金石萃編平
津館讀碑寰宇訪碑錄通志金石記皆著錄石墨鐫華此
房嶠妻高氏書筆法道勁洵足名家而經元祐火燬政和

間重勒再經大定火燬泰和間寺主元釗又勒金人跋語

厯厯可證以此觀之非開元刻乃泰和刻也金石萃編引

後魏風土記晉末山戎內侵徙壽陽之民於大甯通志元

大陵城南置受陽縣

新通志今交城縣南
十里舊屬文水縣

隋開皇十年改爲

文水縣按此卽文所言隋西壽陽縣唐改文水先朝分置

交城者東壽陽則西晉所置今壽陽縣唐地理志交城隋

分晉陽置取縣西北古交城爲名先天二年析分靈川縣

開元二年省此碑所云與隋唐志均不合交城文水皆隋

所置第交城本置交山在今縣東北九十里天授元年移

治卻波村卽今縣也寺在今縣西二十里想與卻波村皆

文水縣境故云置交城而建寺焉碑云石壁寺者晉之西

山舊號石壁谷今交城縣志石壁山一名龍山在縣西北

二十里疊巘回環南有石崖峇堯千仞峭如壁故名上有
永甯禪寺唐宋元明人題詠石刻頗多又古蹟永甯寺唐
貞觀賜名石壁永甯寺與今揚本多漫漶據縣志補

紫陽溪碣

高二尺一寸廣六尺六寸三十
四行行十一字分書今在吉州

□□□□□□巖趾□□□□□□□□仁□□□□□
□□□□□子玩之豈若也□□□□□寂而已明使君公□□
□□斟酌人倫政理嚴□□□□休待嘗惜其形勝曠□□□
屬夫賦貞單闕律呂□□天地氣餘卉物華振將□順皆修
利焉固段鑒庶心□叶興動省功可久宏規易圖變盈流謙
覽勢竝葺新渠灌注圃畦慙抱壘之勤廣池漣波列肆□栢
舟之採悅人未力宛若化來大矣哉體極隨時之義頡使淨

潭采宇昭澄瑩神初□綠房鮮絳街目水霞濯錦汰朝風已
迴文石瀨鳴琴清□虛而變徵公私無閒觀者雲合百年負
杖而樂只童子帶經而遊焉衆人熙熙不啻春臺之遊具寮
濟濟澤會舞雩之詠雖中蘇宣布之詩曷能縵於此具川岳
之奧非狂淺所窺寓事詠哥式慙捩槩徒奉書記以文貞石
凡在班列揚名於左亦為不朽矣唐開元□年三月癸未朔
行員外郎□王翼記

刺史清河房公光庭

員外司馬□□裝豫

錄事參軍謝守節

司倉參軍□邈

司戶參軍劉棲嶠

司漚參軍鄭撫

參□□□□□

參□□崇宗

博士馮安慶

錄事衛守欽

□陽□□□□□

司倉參軍薛諤

錄事常獻忠

紫陽溪

碑末題開元闕年三月癸未朔行員外郎闕王翼記刺

史清河房光庭員外司馬闕裴豫錄事參軍謝守節司倉

參軍闕選司戶參軍劉棲嶠司漚參軍鄭撫參闕參闕崇

宗博士馮安慶錄事衛守欽

陽關

司倉參軍薛諤錄事

常獻忠核唐書百官志下州刺史一員別駕一人司馬一

人錄事參軍事一人錄事一人司倉司戶司法三曹參軍

事各一人參軍事一人經學博士一人多與此碑官合核

清河房氏望元魏房伯玉等皆祖清河宰相世系表不列

清河房故光庭遂闕薛氏表有諤字匡臣大理評事度支

巡官

父正祖陟
會祖貞童

會祖貞童兄上童江童皆仕開元天寶間

此碑立開元疑與表之薛諤非一人碑有新渠灌圃云云

當爲引泉而記碑見寰宇訪碑錄通志金石記

山右石刻叢編卷六